

萬 有 文 庫

第 二 集 七 百 種

王 雲 五 主 編

昭 德 先 生 郡 齋 讀 書 志

( 四 )

晁 公 武 撰

商 務 印 書 館 發 行





編主五雲王

庫文有萬

種百七集二第

志書讀齋郡生先德昭

冊 四

中華民國二十六年三月初版

撰 者 晁 公 武

發 行 人 王 雲 五  
上海河南路

印 刷 所 商 務 印 書 館  
上海河南路

發 行 所 商 務 印 書 館  
上海及各埠

昭德先生讀書後志序

文元公來以翰墨

昭德先生校井氏書爲讀書志四事時已有火厄及于蜀刊之宜春郡齋且取希弁家所序扣之古松流撫所未有益爲五卷別以讀書附陽藏書時固未多人也亦以蜀本鋟諸梓乃衍而爲二十卷書加多焉蓋先生門人姚君應績所編也按先生自序余家自文元公來以翰墨顯著七世故家多書然自中原無事時已有火厄及兵戈之後尺素不存而杜君鵬舉所序扣之古松流水之間亦止於四卷則方其得南陽藏書時固未多也其殆三榮校讀之後網羅其家

散失哀彙漸夥或者先生續筆邪抑門人推廣其遺志也今考姚君所編杜序獨缺而不著而著先生自序有所謂合吾家舊藏得若干卷疑與尺素不存之語自相抵牾希弁摘取其所增入者凡四百二十五部摠八千二百四十五卷徃徃皆晁氏之書請于郡而併刊焉然四卷旣傳矣不敢以附志次其先自爲讀書後志二卷然後并晁二氏藏書之富其目大備希弁家三世所藏因以託不朽云郡侯命序梗槩于卷首至若二本所載并氏四卷之書其間有實同而名異此備而彼遺與夫分種入類之各不同又爲考

異于編末淳祐庚戌日南至江西漕貢進士秘書省  
校勘書籍趙希弁謹序





衢本昭德先生郡齋讀書志自序

杜鄴從張京兆之子學問王粲爲蔡中郎所竒皆盡  
得其家書故鄴以多聞稱而粲以博物顯下逮國  
朝宋宣獻公亦得畢文簡楊文莊家書故所藏之富  
與祕閣等而常山公以瞻博聞于時夫世之書多矣  
顧非一人之力所能聚設令篤好而能聚之亦老將  
至而耄且及豈暇讀哉然則二三子所以能博聞者  
蓋自少時已得先達所藏故也公武家自文元公來  
以翰墨爲業者七世故家多書至於是正之功世無  
與讓焉然自中原無事時已有火厄及兵戈之後尺

素不存也公武仕宦連蹇父益窮空雖心志未衰而無書可讀每恨之南陽公天資好書自知興元府至領四川轉運使常以俸之半傳錄時巴蜀獨不被兵人間多有異本聞之未嘗不力求必得而後已歷二十餘年所有甚富既罷載以舟即廬山之下居焉宿與公武厚一日貽書曰某老且死有平生所藏書甚祕惜之顧子孫稚弱不自樹立若其心愛名則爲貴者所奪若其心好利則爲富者所售恐不能保也今舉以付子他日其間有好學者而後歸焉不然則子自取之公武惕然從其命書凡五十篋合吾家舊藏

除其複重得二萬四千五百卷有奇今三榮僻左少  
事日夕躬以朱黃讎校舛誤每終篇輒撮其大指論  
之豈敢効二三子之博聞所期者不墜家聲而已書  
則固自若也儻遇其子孫之賢者當如約紹興二十  
一年元日昭德晁公武序



衢本昭德先生郡齋讀書志目錄

門人姚應績編

第一卷

經類摠論

易類

書類

第二卷

詩類

禮類

樂類

第三卷

春秋類

孝經類

第四卷

論語類

經解類

小學類

第五卷

史類摠論

正史類

編年類

第六卷

實錄類

雜史類

第七卷

偽史類

史評類

職官類

第八卷

儀注類

刑法類

地里類

第九卷

傳記類

譜牒類

書目類

第十卷

子類摠論

儒家類

第十一卷



道家類

法家類

名家類

墨家類

縱橫家類

第十二卷

雜家類

農家類

第十三卷

小說類

天文類

星曆類

第十四卷

五行類

兵家類

類書類

第十五卷

藝術類

醫書類

第十六卷

神仙類

釋書類

第十七卷

集類總論

楚辭類

別集類上

第十八卷

別集類中

第十九卷

別集類下

第二十卷

摠集類

文說類

衢本昭德先生郡齋讀書志目錄

昭德先生讀書後志第一卷

經類

周易甘棠正義三十卷

右梁任正一撰以孔穎達爲本甘棠云者正一嘗爲  
陝州司馬故名其書

坤鑿度二卷

右題曰包羲氏先文軒轅氏演古籀文蒼頡修按隋  
唐志及崇文摠目皆無之至元祐田氏書目始載焉  
當是國朝人依託爲之

周易緯藝覽圖二卷周易緯是類謀一卷周

易緯辯終備一卷周易緯乾元叙制記一卷

周易緯坤靈圖一卷易通驗卦二卷

右漢鄭玄注按隋志有鄭氏注易緯八卷唐志有宋均注易緯九卷李氏本注與隋志同卷數與唐志同家本蓋出李氏獨不載乾鑿度二卷而有乾元叙制一卷按後漢註七緯名亦無乾元叙制

周易開玄關一卷

右唐蘇鶚撰鶚自序云五代祖晉官至吏部侍郎學兼天人嘗製八卦論爲世所傳遭亂遺墜而編簡尚有存者鶚乃畧演其旨於此

周易流演五卷

右唐成玄英撰錯綜六十四卦演九宮以直年月日推國家之吉凶玄英道士也故道藏錄之或云釋仁英撰未知孰是

周易啓源一十卷

右蔡廣成撰李邯鄲云唐人田偉置于王昭素之下今從李說有德恒伯言德膚德翰四目皆作問對凡三十六篇

陸秉意學十卷

右皇朝陸秉撰秉字端夫舊名東寶元二年以此書

奏御勅書皇嘉好秉嘗通判蜀州首篇論易之名頗采  
參同契之說

邵古周易解五卷

右皇朝邵古天叟撰古雍之父也世本范陽治平初  
卒于洛年七十九其學先正音文云

代淵易論二十卷

右皇朝代淵撰國史藝文志有其目

徐庸易緼一卷

右皇朝徐庸撰庸以春秋九例易亦有之故著書九  
篇號意緼九例摠論其學祖劉牧陸秉云



徂徠先生周易五卷

右皇朝石介守道撰景迂云易古文十二篇先儒謂費直專以彖象文言參解易爻以彖象文言雜入卦中者自費氏始孔穎達云王輔嗣又分爻之象辭各附當爻則費氏初變古制時猶若今乾卦彖象繫卦之末歟古經始變於費氏卒大亂於王弼惜哉今學者曾不之知也石守道亦曰孔子作彖象於六爻之前小象係逐爻之下惟乾悉屬之於後者讓也嗚呼他人尚何責哉家本不見此文豈介後覺其誤改之歟

宋咸易訓三卷

右皇朝宋咸撰咸自序云予既以補註易奏御而男  
億請餘義凡百餘篇端因以易訓名之蓋言不敢以  
傳世特教其子而已頗論陸希聲劉牧鮮于侁得失  
云

橫渠易說十卷

右皇朝張載子厚撰載居橫渠故以名書其解甚略  
繫辭差詳

張弼易十卷

右皇朝張弼興化軍人章惇薦于朝賜號葆光處士

紹聖二年黃裳等再薦之詔以爲福州司戶本州教授其易學頗宗鄭氏

河圖解二卷

右皇朝康平撰凡五十二篇

王湜易學一卷

右皇朝王湜同州人早潛心於邵康節之學其序曰康節有云理有未見不可強求使通故愚於觀物篇之所得旣推其所不疑又存其所可疑亦以先生之言自慎不敢輕其去取故也

兼山易解二卷

右郭忠孝撰忠孝字立之河南人頗明象數自謂得李挺之卦變論于陳子惠因亟讀有得焉靖康中持憲關右死于難故其書散落大半

孫莘老尚書解十三卷

右皇朝孫覺莘老撰覺仕元祐至謂康王以喪服見諸侯爲非禮蘇氏之說蓋本于此

毛詩辨疑一卷

右皇朝楊時中立撰

開寶通禮二百卷

右皇朝劉溫叟等撰開寶中詔溫叟同李昉盧多遜

扈蒙楊昭儉賈黃中和峴陳諤酌損益開元禮為之附益以國朝新制

太常因革禮一百卷

右皇朝姚闢蘇洵撰嘉祐中歐陽脩言禮院文書放軼請禮官編修六年用張洄奏以命闢洵至治平二年乃成詔賜以名李清臣云開寶已後三輯禮書推其要歸嘉祐尤悉然繁簡失中訛缺不補豈有拘而不得騁乎何棺醺之甚也

郊廟禮文三十一卷

右皇朝楊完撰元豐初以郊廟禮文訛舛詔陳襄李

清臣王存黃履何洵直孫諤楊完就太常寺檢討歷代沿革以詔考其得失又命陸佃張璪詳定後以前後嘗進禮文獨令完編類五年成書奏御其書雖援據廣博而雜出衆手前後屢見繁猥為甚云

周禮義辨疑一卷

右皇朝楊時中立撰

集謚揔錄一卷

右皇朝孫緯撰春明退朝錄嘗集類國朝謚幾二百人緯任宗正寺丞日因宋氏之舊纂元豐已後遂得三百餘人自宗室宰相以下分為九等其序略云有

爵位已高當得謚而未聞者若范質呂餘慶韓崇訓  
王博文姜遵王沔是也

太常禮書一百五十卷

右皇朝陳祥道用之撰祥道元祐初以左宣義郎任  
太常博士解禮之名物且繪其象甚精博朝廷聞之  
給札繕寫奏御今世傳止五十卷予愛之而恨其缺  
少得是本於叙州通判盧彭年家其象且以五彩飾  
之於是始見其全書云

聲律要訣十卷

右唐上黨郡司馬田疇撰疇序謂一切樂器依律呂

之聲皆湏本月真響若但執累黍之文則律呂陰陽不復諧矣故據經史參校短長為此書云

琵琶故事一卷

右未詳何人所纂

教坊記一卷

右唐崔令欽撰開元中教坊特盛令欽記之率鄙俗事非有益於正樂也

皇祐樂記三卷

右皇朝胡瑗等撰皇祐二年下詔曰國初循用王朴樂太祖患其聲高令和峴減下一律然猶未全命瑗



同阮逸等二十餘人再定四年樂成奏之 上御紫  
宸殿觀焉此其說也

范蜀公樂書一卷

右皇朝范鎮景仁撰景仁論樂宗房庶潛心四十餘  
年出私財鑄樂器元祐中奏御

樂府詩集一百卷

右皇朝郭茂倩編次取古今樂府分十二門郊廟歌  
辭十二燕射歌辭三鼓吹曲辭五橫吹曲辭五相和  
歌辭十八清商曲辭八舞曲歌辭五琴曲歌辭四雜  
曲歌辭十八近代歌辭四雜謠歌辭七新樂府詞十

一通爲百卷包括傳記辭曲畧無遺軼

春秋經社六卷

右皇朝孫覺撰其學亦出於啖趙凡四十餘門論議頗嚴

春秋演聖統例二十卷

右皇朝丁嗣撰田倬書目副作嗣未知孰誤其序云經有例法一家所至較然重輕杜預釋例專左氏而未該唐陸淳纂例雖舉經而未備纖悉絳羅而咸在者其唯此書乎

春秋名號歸一圖二卷

右偽蜀馮繼先撰左氏所書人不但稱其名或字或號或爵謚多互見學者苦之繼先皆取以繫之名下云

帝王歷紀譜三卷

右題曰秦相荀卿撰載周末列國世家故一名春秋公子血脉圖頗多疎畧決非荀卿所著且卿未嘗相秦豈世別有一荀卿邪

皇侃論語十卷

右梁皇侃撰古今論語之注多矣何晏集七家復采古論語注爲集解行于世侃今又引衛瓘繆播樂肇

郭象蔡謨袁宏江惇蔡謩李充孫綽周懷范甯王珉  
九十三家之說成此書其序稱江熙所集世謂其引  
事雖時近詭異而援證精博爲後學所宗云

王令論語十卷

石皇朝王令逢原撰解堯曰篇云四海不困窮則天  
祿不求終矣王安石書新義取之

呂與叔論語解十卷

右唐朝呂大臨撰大臨雖程正叔之徒解經不盡用  
其師說

汪氏論語直解十卷

右皇朝汪華撰華字信民撫州人紹聖中試禮部爲  
天下第一嘗語人曰吾鄉有二宰相一爲天下之福  
一爲天下之禍蓋指晏元獻王荆公也即此可見其  
解經淵源所自云

經解類

六說五卷

右唐劉迅撰迅著書以擬六經此乃其叙篇唯易闕  
而不言故止五卷云

匡謬正俗八卷

右唐顏籀師古撰以世俗之言多謬誤質諸經史刊

而正之永徽中其子揚庭上之

演聖通論四十九卷

右皇朝胡旦撰論六經傳注得失易十六卷書七卷  
詩十卷禮記十六卷而春秋論別行天聖中嘗獻于  
朝博辨精詳學者宗焉

小學類

爾雅音畧三卷

右偽蜀毋昭裔撰爾雅舊有釋智騫及陸朗釋文昭  
裔以一字有兩音或三音後生疑于呼讀今釋其文  
義最明者爲定

小爾雅一卷

右孔氏古文也見于孔鮒書

急就章一卷

右漢史游撰唐顏師古注游元帝時爲黃門令書凡三十二章雜記姓名諸物五官等字以教童蒙急就者謂字之難知者緩急可就而求焉自昔善小學者多書此故有皇象鐘繇衛夫人王羲之所書傳于世

智永千字文一卷

右梁周興嗣撰釋智永所書

千祿字書一卷

右唐顏元孫纂以經史所用爲正世所行爲俗三者之間爲通凡三體

林氏小說三卷

右唐林罕撰凡五百四十一字其說頗與許慎不同而互有得失邵必緣進禮記石經陞對 仁宗顧問罕之書如何必曰雖有所長而微好恠說文歸字從堆從止從帚以堆爲聲罕云從追於聲爲近此長於許氏矣說文哭從口後獄省罕乃云象犬嗥此恠也有石刻在成都公武嘗從數友就觀之其解字殊可駭笑者不疑好恠之論誠然



翰林禁經八卷

右唐李陽冰撰論書畧勢筆法所禁故以名書

墨戲十卷

右高陽許歸與編未詳何代人李氏書目止五卷而  
梁武評書王逸少筆勢論皆別出

臨池妙訣三卷

右未詳撰人後有江南李煜述書

古文四聲五卷

右皇朝夏竦撰博採古文奇字分四聲編次以便檢  
尋

周越書苑十五卷

右皇朝周越撰越以善書名世天聖八年四月成此書奏御故其序稱臣越臣兄起於柳公權書又云云兄間稱名而不臣似未精討論也

唐藏經音義四卷

右未詳撰人分四聲以類相從蜀中印本也

英公字源一卷

右皇朝釋夢英撰夢英通篆籀之學書偏旁五百三十九字郭忠恕云按說文字源唯有五百四十部字字合收在子部今目錄妄有更改又集解中誤收去

部在注中今點檢偏旁少鼎心至龜弦五字故知林氏虛誕誤後進其小說可憐夢英因書此以正之柴禹錫爲立石

唐氏字說解一百二十卷

右皇朝唐耜撰紹聖以來用字說程試諸生解者甚衆耜集成此書頗注其用事所出書一時稱之耜知邛州日奏御

史類

五代史一百五十卷

右皇朝薛居正等撰開寶中詔修梁唐晉漢周書廬

多遜扈蒙張澹李昉劉兼李穆李九齡同修居正監修

兩朝國史一百二十卷

右仁宗英宗兩朝國史也王珪等撰元豐五年六月甲寅奏御監修王珪史官蒲宗孟李清臣王存趙彥若曾肇賜銀絹有差蘇頌黃履林希蔡卞劉奉世以它職罷去具充宋敏求前死皆有賜賚紀五卷志四十五卷比之實錄事迹頗多但非寇準而是丁謂託之神宗詔旨

編年類

帝王鏡略一卷

右唐劉軻撰自開闢迄唐初帝王世次綴爲四言以  
訓童蒙偽蜀馮鑑續之至唐末

運曆圖六卷

右皇朝龔穎撰起於秦昭王滅周之歲乙巳止於國  
朝雍禧丁亥以歷代興亡大事附見其下四年獻于  
朝優詔獎之歐陽公嘗據之考正集古目錄稱其精  
博按晉史張軌世襲涼州如但稱愍帝建興年號其  
間唯張祚篡竊改建興四十二年爲和平元年始奉  
穆帝升平之朔始末不聞有改元事唯穎書載張寔

改元曰永安張茂改元曰永元張重華曰永樂曰和平張元靚曰太始張天錫曰太清張大豫曰鳳凰不知穎何所據而言或云崔鴻十六國春秋鴻書久不傳于世莫得而考焉

編年通載十五卷

右皇朝張衡撰衡觀四部書至古今纂輯運曆書十餘家皆淺陋植釀無足紬繹乃編歷代年號貫以甲子始於帝堯訖于國朝治平丁未質之經史資以傳記百家之書聖賢勲德英雄篡竊及蠻夷盜賊凡繫於存亡綱紀之大者無不詳錄總三千四百年且刊

正謬誤如史記載舜年虞書不同漢紀載魏受漢禪與魏志受禪壇碑各異之類熙寧七年表獻之

通鑑舉要曆八十卷

右皇朝司馬光撰通鑑奏御之明日輔臣亟請觀焉神宗出而示之每編始末識以眷思殿寶登蓋尊寵其書如此公尚患本書浩大故爲舉要云

寶曆歌一卷

右未詳撰人以開闢太古迄于周世宗正統帝王世次謚號成七言韻語一通

歷代紀元賦一卷

右皇朝揚備撰次漢至五代正統年號爲賦一首又別爲宋頌四章

實錄類

唐高祖實錄二十卷

右唐房玄齡等撰太宗詔玄齡與許敬宗敬播同修起創業盡武德九年貞觀十七年書成

唐太宗實錄四十卷

右唐許敬宗撰起即位盡貞觀二十三年初貞觀十七年房元齡許敬宗敬播撰今上實錄止十四年成二十卷永徽五年無已與史臣續十五年後盡昭陵



事合四十卷其後敬宗改定

唐高宗實錄三十卷

右唐劉知幾等撰起即位盡永淳二年九二十九年  
初令狐德棻許敬宗等撰錄止顯慶三年成二十卷  
上之後知幾與吳兢續成

唐中宗實錄二十卷

右唐吳兢撰起神龍元年復位盡景龍四年九六年

唐睿宗實錄十卷

右唐劉知幾撰知幾與吳兢先修太上皇實錄起初  
誕止傳位九四年後續修益止山陵

唐玄宗實錄一百卷

右唐元載等撰起即位盡上元三年九五十年安史之亂玄宗起居注云大曆中史官令狐峘裒掇詔策備一朝之遺闕開元天寶間君臣事多漏畧

唐肅宗實錄三十卷

右唐元載等撰起即位盡後元年九六年

唐德宗實錄五十卷

右唐裴垪等撰起即位盡貞元二十一年九二十五年元和二年詔蔣乂樊紳林寶韋處厚獨孤郁同修五年垪上之

唐憲宗實錄四十卷

右唐路隋等撰起即位盡元和十五年初穆宗長慶二年詔監修國史杜元穎與史官韋處厚路隋沈傳師鄭澣宇文籍等修元和實錄未及成書大和四年隋與蘇景裔陳夷行李漢蔣係續成上之統例取捨皆出處厚焉

唐穆宗實錄二十卷

右唐路隋等撰起即位盡長慶四年案文宗實錄大和四年隋與蘇景裔等上憲宗實錄後有王彥威楊漢公蘇滌裴休並為史官云

唐文宗實錄四十卷

右唐魏謩等撰起即位盡開成五年九十四年宣宗  
太中八年史官蔣偕牛叢王諷盧岳同修

唐武宗實錄一卷

右唐常保衡等撰武宗以後實錄皆云今存止會昌  
元年正月二月國朝宋敏求次道嘗補宣宗實錄三  
十卷懿宗實錄三十卷僖宗實錄三十卷昭宗實錄  
三十卷哀宗實錄八卷通百二十八卷世服其博聞  
蜀高祖實錄三十卷

右僞蜀李昊撰高祖者孟知祥也昊相知祥子昶時

被命撰起唐咸通甲午終於僞明德元年甲午九六  
十一年

太祖實錄五十卷

右皇朝沈倫撰太平興國三年詔李昉扈蒙李穆郭  
贄宋白董淳趙隣幾同修倫總其事更歷二載書成  
起創業迄山陵凡十七年淳化中王禹偁作篋中記  
叙云 太祖神聖文武曠世無倫自受命之後功德  
日新皆禹偁耳目所聞見今爲史臣多有諱忌而不  
書又上近取實錄入禁中親筆削之禹偁恐歲月浸  
久遺落不傳因編次十餘事按禹偁所言雖未可盡

信然咸平祥符間亦以所書漏落一再命儒臣重修多所增益故有三本傳于世

徽廟實錄二十卷

右皇朝程俱撰先是汪藻編庚辰以來詔旨頗繁雜俱刪輯成此書且附以靖康建炎時事

雜史類

高氏小史一百二十卷

右唐高峻撰以司馬遷史至陳隋書附以唐實錄纂其要分十例爲六十卷後先子迥析而倍之

東觀奏記三卷

右唐裴廷裕撰昭宗時長安寇亂相仍自武宗以後日曆起居注散軼不存詔史臣撰宣懿僖三朝實錄廷裕次宣宗錄特採大中以來耳目聞見撰次此書奏記于監修杜讓能以備史閣討論云

桂苑叢談一卷

右題云馮翊子子休撰雜記唐朝雜事僖昭時當是五代人邯鄲云姓嚴

耳目記二卷

右題云劉氏未詳何時人雜記唐末五代事

唐餘錄六十卷

右皇朝王皞奉詔撰皞五代舊史繁雜之文採諸家之說倣裴松之體附註之以本朝當承漢唐之盛五代則閏也故名之曰唐餘錄寶元二年上之溫公修通鑑間亦采之

唐末汎聞錄一卷

右皇朝閻自若纂乾德中王普五代史成自若之父觀之謂自若曰唐末之事皆吾耳目所及與史冊異者多矣因話見聞故事命自若志之

五代補錄五卷

右皇朝陶岳撰祥符壬子岳以五季史書闕略因書



所聞得一百七事

呂夏卿兵志三卷

右皇朝呂夏卿撰公武得之于宇文時中季蒙題其後云夏卿修唐史別著兵志三篇自祕之戒其子弟勿妄傳鮑欽止吏部好藏書苦求得之其子無爲太守恭孫偶言因及懇借抄錄於吳興之山齋

龍飛日曆一卷

右皇朝趙普撰記顯德七年正月藝祖受禪事是年改元建隆二月普撰此書普時爲樞密學士

景命萬年錄一卷藝祖受禪錄一卷

右皆未詳撰人記趙氏世次 藝祖歷試迄受禪事

金人背盟錄七卷圍城雜記一卷避戎夜話

一卷金國行程十卷南歸錄一卷朝野僉言

一卷

右皇朝汪藻編記金人叛契丹迄於宣和乙巳犯京城圍城雜記等五書皆記靖康時事也

偽史類

十國紀年四十二卷

右皇朝劉恕道原撰溫公序云渙之子也博學強記同修通鑑史事之紛錯難治者以諉恕宋次道知毫

州家多書恕往借觀之目爲之瞽性剛介初與王安  
石善及改新法言其非遂與之絕卒年四十九所謂  
十國者一王蜀二孟蜀三吳四唐五吳越六閩七楚  
八南漢九荆南十北漢溫公又題其後云世稱路氏  
九國志在五代之史中最佳此書又過之以予考之  
長於考異同而拙於屬文其書國朝事皆曰宋而無  
所隱諱意者各以其國爲主耳

乘軺錄一卷

右皇朝路振子發撰振大中祥符初使契丹撰此書  
以獻事見其傳

雲南行紀二卷

右唐韋齊休撰齊休長慶三年從韋審規使雲南紀其往來道里及其見聞序謂雲南所以能爲唐患者以開道越雋耳若自黎州之南清溪關外盡斥棄之疆場可以無虞不然憂未艾也及唐之亡禍果由此本朝棄雋州不守而蜀遂無邊患以此論之則齊休之言可不謂善哉

至道雲南錄三卷

右皇朝辛怡顯撰蜀賊李順旣平餘黨竄入雲南雷有終募怡顯招出之至道初歸因書其所歷此成書

南蠻錄十卷

右未詳撰人熙寧間交趾叛朝廷議討之或纂歷代南蠻事跡及便宜上之

西域志十二卷

右唐僧玄奘撰玄奘西遊天竺求佛書既歸記其所歷諸國風俗其序云自黑嶺以西皆土著尚東左社務田畜重財賄嫁娶無禮獨天竺則異別記於後云

夏國樞要二卷

右皇朝孫異纂記夏虜兵屯會要土地肥磽井泉湧涸谷粟窖藏酋豪姓氏名位司存與夫城池之完缺

風俗之所尚編爲兩帙上之于朝

石晉陷蕃記一卷

右皇朝范質撰質石晉末在翰林爲出帝草降虜表  
知其事爲詳記少主初遷於黃龍府後居於建州九  
十八年而卒按契丹丙午歲入汴順數至甲子歲爲  
十八年實國朝 太祖乾德二年也

虜廷雜記十卷

右契丹降人趙志忠撰記虜廷雜事始於阿保謹迄  
邪律宗真李清臣云志忠仕虜爲中書舍人得罪宗  
真來歸上此書及契丹地圖言虜中事甚詳

史評類

史通析微十卷

右唐柳燦炤之撰燦以劉子玄史通妄誣聖哲評湯之德爲僞跡論桀之惡爲厚誣謗周公云不臣褒武庚以徇節其甚至於彈劾仲尼因討論其舛謬共成五十篇蕭統云論則析理精微故以爲名乾寧四年書成唐史云燦公綽族孫少孤貧好學著史通析微時成稱之起布衣至爲相不四歲按唐紀相燦在天祐改元則書成時猶未仕也

歷代史贊論五十四卷

右未詳撰人纂史記迄五代史臣讚論

唐史音義三十卷

右未詳撰人比竇氏書大略同而稍簡乃析為三十卷

兩漢博聞十二卷

右皇朝楊侃纂景德中侃讀兩漢書取其中名數前儒解釋為此書以資涉獵者侃嘗編職林矣此亦其類也

三劉漢書一卷

右皇朝劉敞原父弟放貢父子奉世仲馮撰劉跂嘗



跋其尾云余爲學官亳州故中書劉舍人貢父實爲  
守從容出所讀漢書示余曰欲作補注未能也然卷  
中題識已多公之子方山亞父錄以相示也

呂氏前漢論二十卷

右皇朝呂大忠晉伯撰予得其本于銅梁令呂肇修  
汲公諸孫也

晉書指掌十二卷

右皇朝劉彥編以晉書事實以類分六十五門

職官類

翰林雜誌一卷

右不題撰人輯唐常執誼故事元稹承旨壁記常來  
徵新樓記杜元穎監院使記鄭璘視草亭記并詩李  
宗諤題名記爲一編或云蘇易簡子耆采其父翰林  
續志所遺附益之

新御史臺記

右皇朝宋聖寵編崇寧中聖寵爲察官續韓琬書咸  
用其規式所異者不爲諸人立傳於儀制勅令格式  
爲詳後人續至紹興九年

御史臺彈奏格一卷

右政和中御史中丞蔣猷奏乞委屬官李彌大將本

臺制勅令格式彈奏事件編成格目六月書成上之

南宮故事一卷

右不題撰人常述云開元中劉鄭蘭撰劉儒者無著述才

執政拜罷錄十卷

右不題撰人自建隆元年迄于紹興九年按國朝以樞密院及叅知政事爲執政改官制後以左右丞兩省侍郎并密院爲執政建炎三年後復用舊制云

百官公卿表一百四十二卷

右皇朝司馬光君實等撰熙寧中光以翰林學士兼

史館修撰建議欲據國史旁采異聞叙宋興以來百  
官除拜劾漢書作表以便御覽詔許之光請宋敏求  
同修及敏求卒又請趙彥若繼之歷十二年書成奏  
御

中書備對十卷

右皇朝元豐三年畢仲衍承詔編次序曰周官所謂  
要會者止今日中書所宜有自漢至唐莫知議此今  
編成十卷凡一百二十五門附五十八事李清臣嘗  
與許將書云備對乃吳正憲公居宰路以聖問多出  
意表故令中書椽畢君爲之其時預有書且諸司遇

取會不許濡滯如此尚歷數年廼就後雖有改革然  
事亦可槩見也

掖垣叢志二卷

右皇朝宋庠撰景祐中李宗諤始取國初掌誥名氏  
刻之于石自爲紀序庠因之成此書王禹玉頗譏其  
踈略裴廷裕載舍人上事知印宰相壓角至今傳之  
爲故事而庠書闕焉

掖垣續志一卷

右不詳撰人續采庠書迄元祐六年十一月陳軒試  
中書舍人

輔弼名對四十卷目錄一卷

右皇朝劉顏撰纂西漢迄五代群臣應對之名者汲黯有天子置公卿輔弼之臣寧令從諛承意陷主不誼之言顏取以名其書天聖初馮元爲侍講上之顏嘗爲令坐事免由是詔復其官

將作營造法式二十四卷

右皇朝李誡撰熙寧初勅將作監編修營造法式誡以爲未備乃考究經史詢訪匠氏以成此書頒于列郡世謂喻皓木經極爲精詳此書蓋過之

儀注類

咸鎬故事一卷

右唐韋慎微撰纂長安自元日至除夜朝廷慶賀事

景德會計錄六卷

右皇朝丁謂謂之撰謂景德中纂三司戶口稅賦之  
入及兵食吏祿之費會計天下每歲出納贏虧之數  
呂吉甫元祐國計圖之類也書成奏御

刑法類

金科易覽三卷

右崇文樞自有唐趙綽金科易覽一卷田氏書目有  
蕭緒金科易覽三卷當是綽初撰一卷緒刪改析之

爲三爾

天聖編勅三十卷

右天聖中宋庠龐籍受詔改修唐令參以今制而成  
凡二十一門官品一戶二祠三選舉四考課五軍防  
六衣服七儀刑八鹵簿九公式十田十一賦十二倉  
庫十三廐牧十四關市十五補亡十六疾醫十七獄  
官十八營繕十九喪葬二十雜二十一

元豐廣案一百卷

右皇朝元豐初置新科明法成類其所試成此書

刑統賦兩卷



右皇朝傳霖撰或人爲之注

決獄龜鑑二十卷

右皇朝鄭克編次五代和凝有疑獄集近時趙全有疑獄事類皆未詳盡克因增廣之依劉向晏子春秋舉其綱要爲之目錄分二十門計三百九十五事

律心四卷

右未詳撰人纂刑統綱要也

斷例四卷

右皇朝王安石執政以後士大夫頗垂意律令此熙豐紹聖中法寺決獄比也

地理類

山海經十八卷

右大禹製魯郭璞傳漢侍中奉車都尉劉秀校定表  
言禹別九州而益等類物善惡著此書皆聖賢之遺  
事古文明著也十父嘗考之於其書有曰長沙零陵  
鴈門皆郡縣名又自載禹鯀似後人因其名參益之

山海經圖十卷

右皇朝舒雅等撰雅仕江南韓熙載門人也後入朝  
數預修書之選閩中刊行本或題曰張僧繇畫妾也

十道志十三卷

右唐梁載言撰唐分天下爲十道所載頗詳博其書多稱咸通中汭革載言蓋唐宋人也

游城南記一卷

右皇朝張禮撰禮秦人元祐中與陳明微自長安城南探竒訪古以抵樊川因次爲之記

太平寰宇志二百卷

右皇朝樂史等撰太平興國中盡平諸國天下一統史悉取自古山經地志考正訛繆纂成此書上之于朝

圖經

右皇朝李昉撰

洽聞記三卷

右唐鄭常撰雜記郡國舊事故附之地理類

職方機要四十卷

右不題撰人姓名序云本新舊九域志上據歷代史旁取左氏水經通典且采舊聞參以小說黜繆舉真紬成此書其間載政和間事蓋當時人也

傳記類

襄陽耆舊記五卷

右晉習鑿齒撰前載襄漢人物中載其山川城邑後

載其牧守隋經籍志曰耆舊記唐藝文志曰載舊傳  
觀其書記錄叢脞非傳體也名當從經籍志云

### 高士傳十卷

右晉皇甫謐撰纂自陶唐至魏八代二千四百餘載  
世士高節者其或以身徇名雖如夷齊兩龔昏不錄  
凡九十六人而東漢之士居三之一自古名節之盛  
議者獨推焉觀此尤信

### 孔子編年三卷

右皇朝孔傳取左氏國語公羊史記及它書所載孔  
子事以年次之自生至卒

東家雜記二卷

右皇朝孔傳撰孔子四十七代孫也纂其家舊聞軼事于此書

翊聖保德傳三卷

右皇朝王欽若撰建隆初有神降于鳳翔民張守真家開寶末徵守真詣闕屬太宗踐祚封神翊聖將軍築宮於終南山祥符中詔欽若編次其事御為製序引

登科記三十卷

右皇朝樂史撰記進士及諸科登名者起唐武德迄

天祐末

唐制舉科目圖一卷

右不題撰人凡七十六科仕至宰相者七十二人唯  
劉蕡名最高而官最不達

宋登科記三卷

右皇朝登科人名氏未詳何人所撰

民表錄三卷

右皇朝胡納撰錄國朝循吏善政李淑以爲雖淺俗  
亦可備廣記云納瑗之父天聖中偕賢惠錄上之

賢惠錄三卷

右皇朝胡納撰錄國朝賢惠之女後一卷瑗嗣成之

萊公勲烈一卷

右皇朝寇宗奭編宗奭準之曾孫也編集仁宗祭準文及贈誥墓碑傳誌贊詩等爲此書

列仙傳二卷

右漢劉向撰

高僧傳十四卷

右蕭梁僧釋慧皎撰慧皎以劉義宣靈驗記陶潛搜神錄等數十家並書諸僧殊踈畧乃博采諸書咨訪古老起于永平十年終于天監十八年凡五百五十



二載二百五十七人又附見者二百餘人分爲譯經  
義解神異習禪明律遺身誦經興福經師唱道十科  
續高僧傳三十卷

右唐僧道宣撰藝文志作道宗大明寺僧也以慧皎  
會稽人故其書詳於吳越而畧於燕魏故上距梁天  
監下終唐貞觀十九年百四十四載編載二百四十  
人附見者又一百六十人分譯經解義習禪明律護  
法感通遺身讀誦興福雜科九十門

比丘尼傳四卷

右蕭梁僧寶唱撰起晉外平訖梁天監得尼六十五

人爲之傳以檢淨爲首寶唱金陵人藝文志有其目

補江摠白猿傳一卷

右不詳何人撰述梁大同末歐陽紇妻爲猿所竊後生子詢崇文目以爲唐人惡詢者爲之

綠珠傳一卷

右皇朝樂史撰

譜諜類

千姓編三卷

右不著撰人

釋迦氏譜十卷

右唐釋僧祐撰僧祐以釋迦譜記雜見于經論覽亦  
難通因纂成五卷又取內外族姓及弟子名氏附于  
後

書目類

文選著作人名三卷

右唐常寶鼎撰纂文選所集文章著作人姓名爵里  
行事及其述作之意

十三代史目三卷

右唐殷仲茂撰輯史記兩漢三國晉宋齊梁陳後魏  
北齊周隋史籍篇次名氏國朝杜鎬以唐五代書目

續之

開元釋教錄三十卷

右唐僧智昇撰智昇在開元中纂釋氏諸書入中國歲月及翻譯者姓氏以楞嚴經爲唐僧懷迪譯張天覺以懷迪與菩提流支同時流支後魏僧其言殆不可信也

成都刻石崇目三秩

右皇朝劉涇撰元祐中蔡京帥成都以意授涇纂府縣碑板幢柱自東漢初平迄僞蜀廣政凡二百六十

八

田氏書目六卷

右皇朝田鎬撰田偉居荆南家藏書幾三萬卷鎬偉之子也因成此目元祐中袁默爲之序

群書備檢十卷

右未詳撰人輯易書詩左氏公羊谷梁二禮論語孟子荀子揚子文中子史記兩漢三國志晉宋齊梁陳後周北齊隋新舊唐五代史書以備檢閱

昭德先生讀書後志第一卷

昭德先生讀書後志第二卷

子類

伊川孟子解十四卷

右皇朝程頤正叔撰頤居洛陽其門人號之爲伊川先生云

百家孟子解十二卷

右集古今諸儒自裴日休至強至賈同百餘家解孟子成一編

王安石解孟子十四卷王雱解孟子十四卷

許允成解孟子十四卷

右皇朝王安石介甫素喜孟子自爲之解其子雱與其門人許允成皆有注釋宗觀間場屋舉子宗之

點注孟子十四卷

右皇朝熙寧中蜀州張簡點節經注附以釋文以教童子

董子一卷

右周董無心撰皇朝吳祕注無心在戰國時著書闢墨子

說玄一卷

右唐王涯廣津撰涯始以正元丙子終於元和己丑



二十六年間注太玄爲六卷今不之見獨此書行于世九五篇一明宗二立例三揲法四占法五辨首

宋惟幹太玄解十卷

右皇朝宋惟幹注惟幹嘗得太玄古本于昭應咸平中知滑臺取宋衷陸績范望三家訓解別爲之注仍作太玄宗旨兩篇附于後其學蓋師濟東田告司馬温公所謂小宋者也

陳漸演太玄十卷

右皇朝陳漸撰漸堯佐族子也國史有傳凡十四篇漸謂史以揚雄非聖人而作經猶吳楚僭王今按法

言解嘲止云太玄然則經非其自稱弟子侯芭之徒  
尊之耳

太玄淵旨一卷

右皇朝張揆撰

溫公集注太玄經十卷

右皇朝司馬光君實集漢宋袁解詁吳陸績釋文晉  
范望解贊唐王涯注經及首測宋惟幹通注陳漸演  
玄吳祕音義七家爲此書自慶曆至元豐凡三十年  
始成其直云宋者秉也小宋者惟幹也惟幹漸祕皆  
國朝人

溫公集注法言十三卷

右皇朝司馬光君實集晉李軌唐柳宗元國朝宋咸  
吳祕注光自言少好此書歷年已多今輒采諸家所  
長附以己意名曰集注凡觀書者當先正其文辨其  
音然後可以求其義故宋相公庠家有李祠部注本  
及音義最爲精詳宋吳亦據李本而其文多異同今  
參以漢書取其通者以爲定本先審其音乃解其義  
云

元經十卷

右隋王通撰唐薛收傳皇朝阮逸學起晉惠帝太熙

元年終於陳亡予從兄子逸仕安康嘗得其本歸而示四父四父讀至帝問蛙鳴哂其陋曰六籍奴婢之言不爲過按崇文無其目疑逸依託爲之

帝範七卷

右唐太宗撰凡二十篇今存者六篇正觀末著此書以賜高宗且曰修身治國備在其中一旦不諱更無所言矣其末頗以太侈自咎以戒高宗俾勿效已殊不知閨門之內勲德甚多豈特汰侈而已哉武后之立實有自來不能身教多言奚益悲夫

臣範二卷

右唐則天皇后武氏撰範或作軌武氏稱制時嘗詔天下學者習之尋廢本十篇今闕其下五篇

法語二十卷

右南唐劉鸚撰鸚甲戌歲擢南唐進士第實開寶七年也著書凡八十一篇言治國立身之道徐鉉爲之序

老子畧論一卷

右魏王弼撰凡十有八章景迂云弼有得於老子而無得於易注易資於老子而老子論無資於易則其淺深之効可見矣

溫公道德論述要兩卷

右皇朝司馬光撰光意謂道德連體不可偏舉故廢道經德經之名而曰道德論墓誌載其目無名天地之始有名萬物之母常無欲以觀其妙常有欲以觀其徵皆於無與有下斷句不與先儒同

呂氏老子注二卷

右皇朝呂大臨撰其意以老氏之學合有無謂之玄以爲道之所由出蓋至于命矣其言道體非獨智之見孰能臻此求之終篇繆于聖人者蓋寡但不當以聖知仁義爲可絕弃

默希子注文子十二卷

右默希子者唐徐靈府自號也靈府謂文子周平王時人

朱玄注文子十二卷

右唐朱玄注闕符言一篇或取默希注補焉

文如海莊子疏十卷

右唐文如海撰如海明皇時道士也以郭象注放乎自然而絕學習失莊生之旨因再爲之解凡九萬餘言

呂吉甫註莊子十卷

右皇朝呂惠卿撰吉甫惠卿字也

王元澤注莊子十卷

右皇朝王雱撰元澤其字也

東坡廣成子解一卷

右皇朝蘇軾撰軾取莊子中黃帝問道於廣成子一章爲之解景迂嘗難之其序畧曰某晚玷先生薦賢中安敢與先生異論然先生許我不苟同翰墨具在天機子一卷

右不著撰人凡二十五篇或曰一名陰符二十四機諸葛亮撰子觀其詞旨殆李筌所爲爾託之孔明也



載道藏中

無能子三卷

右不著撰人唐光啓三年天子在褒寓三輔景氏舍成書三十篇述老莊自然之旨總目錄之於道家

四子治國樞要四卷

右唐范乾九集四子謂莊子文子列子亢倉子其意以謂黃老之道內足以修身外足以治國周王得文子之言趙王納莊周之論皆能興邦致治故採其書有益治道者分爲二十門

風俗通義十卷

右漢應劭撰劭字仲遠奉之子篤學博覽多聞靈帝時舉孝廉仕至泰山太守撰風俗通以辨物名號釋時俗嫌疑文雖不典世服其洽聞

意林三卷

右唐馬總會元撰初梁穎川庾仲容取諸家書術數雜說凡一百七家抄其要語爲三十卷摠以其繁略失中增損成三軸前有戴叔倫楊伯存兩序

格言五卷

右僞唐韓熙載叔言撰熙載以經濟自任乃著書二十六篇論古今王霸之道以干李煜首言陽九百六

之數及五運迭興事其駢雜如此有門生舒雅序

兩同書兩卷

右唐羅隱撰隱謂老子養生孔子訓世因本之著內  
外篇各五其曰兩同書者取兩者同出而異名之言  
也

物類相感志十卷

右皇朝僧贊寧撰采經籍傳記物類相感者志之分  
天地人物四門贊寧吳人以博物稱于世柳如京徐  
騎省與之遊或就質疑事楊文公歐陽文忠公亦皆  
知其名

王氏雜說十卷

右皇朝王安石介甫撰蔡京爲安石傳其畧曰自先王澤竭國異家殊由漢迄唐源流浸深宋興文物盛矣然不知道德性命之理安石奮乎百世之下追堯舜三代通乎晝夜陰陽所不能測而入於神初著雜說數萬言世謂其言與孟軻相上下於是天下之士始原道德之意窺性命之端云所謂雜說即此書也以京之誇至如此且不知所謂通乎晝夜陰陽所不能測而入於神者爲何等語故著之

保生月錄一卷

右唐韋行規撰分十二月雜纂每月攝卷種藝祈禳之術也

輦下歲時記一卷

右唐李綽撰綽經黃巢之亂避地蠻隅偶記秦地盛事傳諸晚學云

國朝時令十二卷

右皇朝賈昌朝撰景祐初復禮記舊文其唐月令別行三年詔昌朝與丁度李淑采國朝律曆典禮百度昏曉中星祠祀配侑歲時施行約唐月令定為時令一卷以備宣讀後昌朝注為十二卷奏上頒行

顧渚山記二卷

右唐陸羽撰羽與皎然朱放輩論茶以顧渚為第一  
顧渚山在湖州吳王夫差顧望欲以為都故以名山  
呂惠卿建安茶記

右唐朝呂惠卿撰

聖宋茶論一卷

右徽宗御製

茶雜文一卷

右集古今詩文及茶者

竹譜一卷

右戴凱之撰 凱之字慶預武昌人哀輯竹事四字韻  
有韻類賦頌 李邯鄲云未詳何代人

荀譜二卷

右皇朝僧惠學撰

小說類

殷芸小說十卷

右宋殷芸撰述秦漢以來雜事予家本題曰劉餗李  
淑以爲非

玄恠錄十卷

右唐牛僧孺撰僧孺爲宰相有聞于世而著此等書

周秦行紀之謗蓋有以致之也

周秦行紀一卷

右唐牛僧孺自叙所遇異事賈黃中以為韋瓘所撰瓘李德裕門人以此誣僧孺

鹿革事類三十卷鹿革文類三十卷

右節太平廣記事實成一編曰事類詩文成一編曰文類蔡蕃晉如所撰晉如博學通音律能屬文與十父相善友

鑒戒錄十卷

右後蜀何光遠撰字輝夫東海人唐證中纂輯唐以



來君臣事迹可爲世鑒者前有劉曦度序李獻臣云不知何時人考之不詳也

歸田錄六卷

右皇朝李旼撰旼蜀人張詠客也與范鎮友善熙寧中致仕歸與門人賓客燕談衮衮志倦門人請編錄遂以該聞爲目又有雜詩二十篇係于後

開譚錄兩卷

右皇朝蘇耆撰舜卿之父也記五代以來雜事下秩多載馮道行義

古今前定錄二卷

右皇朝尹國均輯經史子集古今之人興衰窮達貴賤貧富死生壽夭與夫一動靜一語默一飲一啄定於前而形于夢兆于卜見於相貌應於讖記者凡一門以爲不知命而躁競者之戒至若裴度以陰德而致貴孫亮以陰譴而減齡之類又別爲二門使君子不以天廢人云

傳公嘉話一卷

右皇朝傳堯俞之子孫記堯俞之言行凡四十餘章獻簡堯俞謚也

曾公南遊記一卷

右曾公未詳何人當是公亮之孫也共十二章記國朝雜事

摺紳脞說二十卷

右皇朝張唐英君房撰君房學通釋老善著書如名臣傳蜀擣杙雲笈七籤行于世者毋慮數百卷此書亦詳實

青箱雜記

右皇朝吳處厚撰處厚發蔡確直蓋亭詩事者所記多失實成都置交子務起於寇瑊處厚乃以爲張詠他多類此

紺素雜記十卷

右皇朝黃朝英撰所記二百事朝英建州人紹聖後舉子也爲王安石之學者以贈之以芍藥爲男淫女貽我握椒爲女淫男前輩嘗以是爲嗤朝英獨愛重之它可知也

褒善錄一卷

右皇朝王蕃撰嘉祐中巴縣簿黃靖國死而復蘇道其冥中所見廖生嘗傳之蕃刪取其要爲此書

麗情集二十卷

右皇朝張君房唐英編古今情感事

天文曆筭類

景祐乾象新書二卷

右崇文目有三十卷置之天文類

曆法一卷

右未詳撰人曆草也

刻漏圖一卷

右皇朝燕肅撰肅有巧思止蓮花漏法嘗知潼川有  
石刻存焉洛陽宋君者增損肅之法爲此圖

五行類

廣古今五行志三十卷

右竇蓋撰唐志有其目未詳何人纂五行變異叙其徵應蓋爲洪範之學者自古術數之學多矣言五行則本洪範言卜筮則本周易近時兩者之學殆絕而最盛于世者葬書相術五星祿命六壬遁甲星禽而已然六壬之類足以推一時之吉凶星禽五星祿命相術之類足以推一身之吉凶葬書之類足以推一家之吉凶遁甲之類足以推一國之吉凶其所知若有遠近之異而或中或否不可盡信則一也且其說皆本於五行故同次之爲一類

青囊補注三卷

右晉郭璞撰世傳葬書之學皆云無出郭璞之右者  
今盛行多璞書也按璞傳載葬母事世傳蓋不誣矣  
璞未幾爲王敦所殺若謂禍福皆係於葬則璞不應  
擇凶地以取禍若謂禍福有定數或它有以致之則  
葬地不必擇矣烏乎璞自用其術尚如此况後遵其  
遺書者乎

撥沙經一卷

右唐呂才撰地理書畫山水之形成圖蓋依託者

會元經二十四卷

右孫季邕撰未詳何代人集諸家相地書及其鄙陋

無驗者成是書

五音地理新書三十卷

右唐僧一行撰人姓五音驗八山三十八將吉凶之方其學今世不行

秤星經三卷

右不著撰人以日月五星羅喉計都紫炁月孛十一曜演十二宮宿度以推人貴賤壽夭休咎不知其術之所起或云天竺梵學也按洪範曰歲月日時無易百穀用成乂用民俊民用章家用平康月之從星則以風雨冷州鳩曰武王伐殷歲在鶉火月在天駟一



曰在析木之津辰在斗柄星在天龜以此言之五星之術其來尚矣蓋可以占國則可以占事可以占事則可以占人也然術家用日月五星以占吉凶又加以交初交中之神紫炁月炁之宿初中者交食之會亦可以意求惟氣字無稽而術家獨以爲効且曰土木之餘氣五星之行土木最遲而爲吉凶者久故有餘氣云

周易十二論一卷

右未詳撰人論日月五星直年以占吉凶

珞珞子疏五卷

右皇朝李全東方明撰

河圖天地二運賦一卷

右不著撰人論天地二運蓋三命書也崇文目以爲卜筮類

常陽經一卷

右崇文目題曰黃帝式用蓋六壬占卜術也

六壬要訣一卷

右未詳何人撰隋志載六壬之書兩種金鑿要密記及五代史記頗言其驗今世龜筮道息而此術獨行

六壬課鈴一卷

右未詳何人所纂以六十甲子加十二時成七百二十課三傳入神以占吉凶

玉關歌一卷

右不題撰人六壬課訣也

三十二家相書三卷

右或集許負以下三十二家書成此編

月波洞中記一卷

右序稱唐任道遙得之於太白山月波洞石壁上凡九篇相形術也崇文目置之五行類

靈龜經一卷

右史蘇撰論龜兆之吉凶崇文目三卷

遁甲萬一訣一卷

右題云唐李靖所纂黃帝書按遁甲之書見於隋志  
凡一十三家則其學之來亦不在近世矣以休生傷  
杜景死驚開八門推國家之吉凶通其學者以爲有  
驗未之嘗試也

遁甲經一卷

右唐胡乾撰李氏書目云亦云九天玄女術推九星  
八開三奇六儀之法

鮮鷄經十卷

右未詳撰人凡十門六十二章以星禽推知人之吉凶言其性情嗜好爲尤驗說者謂本神仙之訣也故此書載於道藏李邕鄆云羅浮山逍遙子撰

八神筮法二卷

右以八卦世分六十四每卦首必云子夏曰論易筮之吉凶

靈棋經二卷

右漢東方朔撰又云張良劉安未知孰是晉顏幼明宋何承天注有唐李遠叙歸來子以爲黃石公書豈謂以授良者邪按南史載客從南來遺我良財寶貨

珠璣金碗玉盃之繇則古之遺書也明矣凡一百二十卦皆有繇辭

紫堂訣三卷

右紫堂先生撰未詳何代人著紫垣十二星至隱曜摠三百六十位分二十八舍附之以五星配十二辰以推人命之吉凶

兵類

郭元振安邊策三卷

右唐郭元振撰以總兵進攻聚眾退守不可無權謀乃著此書故舊題曰定遠安邊策

武經聖略十五卷

右皇朝王洙撰寶元中西邊用兵朝廷講武備是時洙奉詔編祖宗任將用兵邊防事迹分二十門

武經總要四十卷

右皇朝曾公亮丁度撰康定中朝廷恐群帥昧古今之學命公亮等采古兵法及本朝計謀方略凡五年奏御制度五卷邊防五卷故事十五卷占候五卷御為製序

兵要望江南一卷

右題云黃石公以授張良者按其書雜占行軍吉凶

寓聲於望江南詞取其易記憶總目云武安軍左押衙易靜撰蓋唐人也

倚馬立成法二卷

右唐李淳風撰兵行占候之書也淳風太宗時人而此書起九宮法至貞元六年庚午假託以行其書爾非淳風本旨也

類書類

古人姓字相同錄一卷

右唐丘光庭撰光庭中進士第

北堂書鈔一百七十三卷



右唐虞世南撰世南仕隋爲秘書郎時鈔經史百家之事以備用分八十部八百一類北堂者省之後堂世南鈔書之所也家一百二十卷

集類一百卷

右唐劉綺莊撰綺莊毗陵人嘗爲蘇州崑山縣令家多異書採摭事類分二十餘門凡五十餘萬言上之于朝前有萬希序題云開元二十九年辛巳按綺莊集有上白敏中啓疑非玄宗時人當攷

三教珠英三卷

右唐張昌宗等撰按唐志一千三百卷今所存者止

此

備舉文言二十卷

右唐陸贄撰摠四百五十餘門議者謂大類六帖而文辭過焉崇文總目中有之

小名錄三卷

右唐陸龜蒙撰龜蒙以末世有官名小名之別自秦至隋編而紀之至於神仙玉女之名婦人臧獲之字亦無棄焉龜蒙世稱其博然此書特雜取於史傳間爾無異聞也

備忘小抄十卷

右偽蜀文谷撰雜抄子史一千餘事以備遺忘其後題廣政二年廣政王衍號也

唐會要一百卷

右皇朝王溥撰初唐蘇冕叙高祖至德宗九朝沿革損益之制大中七年詔崔鉉等撰次德宗以來事至宣宗大中六年以續冕書溥又采宣宗以後事共成百卷建隆二年正月奏御史簡禮備太祖覽而嘉之詔藏於史閣賜物有差

冊府元龜一千卷

右皇朝景德二年詔王欽若楊億修君臣事迹唯取

六經子史不錄小說雜書呈祥符六年書成上之凡  
三十一部有摠序千一百四門有小序同修者十五  
人錢惟演杜鎬刁衍李維戚綸王希哲陳彭年姜輿  
宋貽序陳越陳從易劉筠查道王曙夏竦初撰篇序  
諸儒皆作帝以體制不一遂擇李維錢惟演陳彭年  
劉筠夏竦等付楊億竄定賜今名為序冠其首其音  
釋又命孫奭為之

類要六十五卷

右皇朝晏殊纂分門輯經史子集事實以備修文之  
用

禁殺錄一卷

右皇朝李象先纂元祐中象先集錄古今眞報事以爲殺戒

貨泉錄一卷

右皇朝陶岳撰記五代諸侯擅改錢幣之由幽州嶺南福建湖南江南五國

墨譜一卷

右皇朝黃秉撰熙寧間人秉患世人徒知祖李之名而不知形模之異同製作之精拙故作圖以著其源流用補蘇易簡之闕文云

印格一卷

右皇朝晁克一撰克一張文潛甥也文潛嘗爲之序其畧曰克一既好古印章其父補之愛之尤篤悉錄古今印璽之法謂之圖書譜自秦以來變制異狀皆能言其故余頗愛其用心不移致精於末務使有傳焉

蒙求三卷

右唐李瀚撰纂經傳善惡事實類者兩兩相比爲韻語取蒙卦童蒙求我之義名其書蓋以教學童子云

魯史分門屬類賦三卷

右皇朝楊鈞撰以左氏事類分十門各爲律賦一篇  
乾德四年奏御詔褒之

仙苑編珠二卷

右唐王松年撰取阮倉劉向葛洪所傳神仙又取經  
記中梁以後神仙百二十八人比事屬辭效蒙求體  
爲是書

國史對韻十二卷

右皇朝范鎮撰吳仲庶嘗稱景仁憫諸後學雖涉書  
傳而問之今代典故則懵然不知乃自太祖開基迄  
于仁宗朝撫取事實可爲規矩鑒戒者用韻編次之

即此書也

孝悌類鑒七卷

右皇朝俞觀能撰取經史孝悌事成四言韻語

兩漢蒙求五卷唐史屬辭五卷南北史蒙求十卷

右未詳撰人皆効李瀚也

雜藝術類

名畫見聞志六卷

右皇朝郭若虛撰若虛以張愛賓之畫絕筆永昌元年因續之歷五代止國朝熙寧七年分叙論紀藝故



事近事四門

溫公投壺新格一卷

右皇朝司馬光君實撰舊有投壺格君實惡其多取奇中者以爲僥倖因盡改之

九章筭經九卷

右未詳撰人者姓名或曰周公九章者一方田二筭粟三衰分四少廣五商功六均輸七盈不足八方程九句股魏劉徽唐李淳風嘗爲之注則此術起於漢之前矣

求一筭經一卷

右未詳撰人

溫公七國象碁一卷

右皇朝司馬光君實撰周秦韓魏趙楚齊燕實以八國而云七者周室不與焉

葉子戲格一卷

右不著撰人世傳葉子婦人也撰此戲晚唐之時也  
相鶴經一卷

右題曰浮丘公撰其傳云浮丘公授于王子晉後崔文子學道於子晉得其文藏于嵩山之石室淮南公採藥得之乃傳于世

相馬經二卷

右伯樂撰

相馬經一卷

右未詳撰人述相馬法式并書馬之疾狀及治療之術李氏書目有之

皇帝醫相馬經三卷

右唐穆彛集伯樂王良等六家書成此編皇帝斥神農也

育駿方三卷

右未詳撰人相馬術及醫治畜牧之方

相牛經一卷

右序曰竈臧傳之百里奚漢世河西薛公得其書以相牛千百不失其一至魏世高堂生又傳賈宣帝其後祕之細字薛公注也

醫家類

靈樞經九卷

右王冰謂此書即漢志素問帝內經十八卷之九也或謂好事者於皇甫謐所集內經倉公論中抄出之各爲古書也未知孰是

丁德用注難經五卷

右皇朝丁德用注以楊玄操所演甚失大義因改正之經文隱奧者繪爲圖德用濟陽人嘉祐末其書始成

虞庶注難經五卷

右皇朝虞庶注庶仁壽人寓居漢嘉少爲儒已而棄其業習醫術爲此書以補呂楊所未盡藜黍辰治平間爲之序

金匱玉函經八卷

右漢張仲景撰晉王叔和集設答問雜病形證脈理參以療治之方仁宗朝王洙得于館中用之甚效合

二百六十二方

仲景傷寒論十卷

右漢張仲景述晉王叔和撰次按名醫錄云仲景南陽人名機仲景其字也舉孝廉官至長沙太守以宗族二百餘口建安紀年以來未及十稔死者三之二而傷寒居其七乃著論二十二篇證外合三百九十七法一百一十二方善醫者或云仲景著傷寒論誠不刊之典然有大人之病而無嬰孺之患有北方之藥而無南方之治此其所闕者蓋陳蔡以南不可用柴胡白虎二湯治傷寒其言極有理

脉經三卷

右題云黃帝撰論脉診之要凡三十一篇

脉訣一卷

右題曰王叔和皆歌訣鄙淺之言後人依託者然最行于世

雷公炮炙三卷

右宋雷斅撰胡洽重定述百藥性味炮炙煮炙之方其論多本之於乾寧晏先生斅稱內究守國安正公當是官名未詳

金寶鑑三卷

右衛嵩撰嵩仕至翰林博士宗文摠目云不詳何代人述脉候徵驗要妙之理

通 子傷寒訣一卷

右題曰通 子而不著名氏用張長沙傷寒論爲歌詩以便覽著脉訣之類也

傷寒百問三卷

右題曰無求子大觀初著書

運氣論奧三卷

右皇朝劉溫舒撰溫舒以素問氣運最爲治病之要而答問紛揉文辭古奧讀者難知因爲三十論二十



七圖上于朝

脉粹一卷

右皇朝蕭世基撰世基嘗閱素問及歷代醫經患其難知因綴緝成一編治平中姚誼序之

存真圖一卷

右皇朝楊介編崇寧間泗州刑賊於市郡守李美行遣醫曹并畫工往親決膜摘膏盲曲折圖之盡得纖悉介校以古書無少異者比歐希範五藏圖過之遠矣實有益醫曹家也王莽時捕得翟義黨王孫慶使大醫尚方與巧屠共剝剥之量度五藏以竹筵導其脉知

所終始云可以治病是亦此意

證類本草三十二卷

右皇朝唐慎微纂合兩本草爲一書且集書傳所記單方附之于本條之下殊爲詳博

子午經一卷

右題云扁鵲撰論鍼砭之要成歌詠蓋後人依託者明堂針灸圖三卷

右題曰黃帝論人身俞穴及灼灸禁忌

點烙三十六黃經一卷

右不著撰人唐世書也國史補云自茗飲行于世

人不復病黃痺

千金方三十卷

右唐孫思邈撰思邈博通經傳洞明醫術著用藥之方胗脉之訣針灸之穴禁架之法以至導引養生之要無不周悉後世或能窺其一二未有不為名醫者然議者頗恨其獨不知傷寒之數云

千金翼方三十卷

右唐孫思邈撰思邈著千金方復掇集遺軼以羽翼其書成一家之學林億等謂首之以藥錄次之以婦人傷寒小兒養性辟穀退居補益雜病瘡癰色脉針

從而禁經終焉者皆有指意云

龍樹眼論三卷

右佛經龍樹大士者能治眼疾或假其說集治七十二種目病之方

寶藏暢微論三卷

右五代軒轅述撰青霞君作寶藏論三篇著變煉金石之訣既詳其未善因刊其謬誤增其缺漏以成是言故曰暢微時年九十寶乾亨二年也

太平聖惠方一百卷

右太宗皇帝在潛邸日多蓄名方異術太平興國中

內出親驗者千餘首乃詔醫官各上家傳方書命王懷隱王祐鄭彥陳昭遇校正編類各於篇首著其疾證淳化初書成御製序引

和劑局方十卷

右大觀中詔通醫刊正藥局方書閱歲書成校正七百八字增損七十餘方

養生必用方十六卷

右皇朝初虞世撰序謂古人醫經行于世者多矣所以別著者古方分劑爲今銖兩不侔用者頗難此方其證易詳其法易用苟尋文爲治雖不習之人亦可

無求於醫也。虞世本朝士，一旦削髮爲僧，在襄陽與十父遊，從甚密。

嬰童寶鏡十卷

右題曰栖真子不著姓名錄世行應驗方，成此書。

小兒靈祕方十二卷

右不題撰人，辨小兒疾證及諸療之方，多爲歌訣。

傷寒證治三卷

右皇朝王寔編寔爲百病之急，無踰傷寒，故畧舉病名法及世名醫之言爲十三篇總方百四十六首，或云潁川人官至外郎龐安常之高第也。

小兒玉訣一卷

右未詳撰人名氏爲韻語以記小兒疾證治法凡二十三

孫尚祕寶十卷

右皇朝孫尚撰呂惠卿帥邊日尚之子在屬部因取此書刻板傳于世

楊子護命方五卷通神論十四卷

右皇朝楊退修撰退修以歧伯論五運六氣以治疾病後世通之者唯王砭一人而已然猶於遷變行氣莫知其始終次序故著此方論云

道書類

大洞真經一卷

右題云高上虛皇君等道書三十七章晉永和  
中上清紫微元君降授于王夫人是上清高法  
道藏書六部一曰大洞真部二曰靈寶洞元部  
三曰太上洞神部四曰太真部五曰太清部六  
曰正一部邯鄲李氏道書是四類一曰經誥類  
二曰傳錄類三曰丹藥類四曰符篆類皆以此  
書爲之首然唐志不載故以次度人經云

西昇經四卷



右題曰太上真人尹君紀錄老子將遊西域既爲關  
令尹喜說五千言又留秘旨九三十六章喜述之爲  
此經其首稱老君西昇聞道竺乾有古先生是以就  
道說者以古先生佛也事見廣洪集辯惑論

韋注西昇經二卷

右梁道士韋處玄分上下經上經三七法天之陽數  
分二十一章下經四七法天之陰數總四十九章象  
大衍用數云唐志稱處玄集解以聞道竺乾爲經道  
竺乾以古先生爲老子自謂

同玄注西昇經四卷

右唐同玄子注其姓名未詳唐志有戴詵注西昇經疑此或詵書也分三十六章謂竺乾古先生非釋氏之號云

徐注西昇經二卷

右徐道邈撰句曲人未詳何代其本以有古先生善入無爲作善入泥丸古先生者吾之師也化乎竺乾作吾之身也化胡竺乾云

步虛經一卷

右太極真人傳左仙公其章皆高仙上聖朝玄都玉京飛巡虛空之所諷詠故曰步虛

定觀經一卷

右題云天尊授左玄真人述定心惠觀等修故以爲名云

老子化胡經十卷

右魏明帝爲之序經言老子歸崑崙化胡次授蜀賓後及天竺按裴松之三國志注言世稱老子西入流沙化胡成佛其說蓋起于此議化胡經八狀附于後唐志云萬歲通天元年僧惠澄上言乞毀老子化胡經秋官侍郎劉如璿等議狀證其非偽此是也

太清經一卷

右太清護命靈文金闕上真按付修道之士可以除邪治病云

登真隱訣二十五卷

右梁陶弘景撰景以爲學其訣者當由階而登真文多隱非訣莫登故以名書凡七篇十七條隋志云

雲笈七籤一百二十卷

右皇朝張君房等纂君房祥符中謫官寧海時聖祖降朝廷盡以秘閣道書付杭州俾戚綸陳堯佐校正綸等同王欽若薦君房專其事君房詮次得四千五百六十五卷於是撮其蘊奧摠萬餘條成是書

仁宗時上之

張隨注參同契三卷

右皇朝張隨皇祐中居青城山注魏伯陽之書列十數圖于其後

參同契太易圖一卷

右不題撰人論周天火候有太易太初太始太素太極四象五行等二十四篇并圖按崇文摠目云張處撰而李獻臣以爲天老神君撰雲常子張處序亦名至藥丹訣未知孰是

混元內外鑒三卷延壽經一卷附

右混元謂老子也亦道引之術內篇八外篇三

玉皇聖胎神用訣一卷

右玉皇訣之野人郎肇注

太上說龜龜經兩卷

右題曰老子撰載三龜七龜名字形狀好惡以呪術存制之崇文題曰太上靈書李氏亦有其目

無上祕要九十五卷

右題曰元始天尊說藝文志止七十二卷不知何時析出二十三通也

葛仙翁胎息術一卷

右仙翁葛洪也

太清服氣口訣一卷  
太起經一卷  
閉氣法一卷  
太上指南歌一卷

右四書皆題曰老子撰服氣訣也

食氣經一卷

右太皇子撰未詳李邯鄲云似雜集之書

道引養生圖一卷

右梁陶弘景撰分三十六勢如鴻鶴徘徊駕鸞戩羽之類各繪像于其上田偉家本少八勢

天真皇人九仙經一卷

右天真皇人爲黃帝說一行羅公遠葉法靜注論水火龍虎造金丹之術崇文書也按九仙經興廢記云此經黃帝留峨眉山石壁漢武帝時得之大中嘗禁斷陰府內丹經一卷

右題曰老子說

日月玄樞論一卷

右唐劉知古撰明皇朝爲綿州昌明令時詔求通丹藥之士知古謂神仙大藥無出參同契因著論上于朝

大還丹契祕圖一卷



右草衣洞真子玄撰凡十二章大還丹者乃日月精氣之所致也論火候則以朔望爲據記藥物則以鈔汞爲名云

釋書類

華嚴經合論一百二十卷

右按纂靈記云華嚴大經龍宮有三本佛滅度後六百年有龍樹菩薩入龍宮誦下本十萬偈四十八品流傳天竺晉有沙門支法領得下本分三萬六千偈至此土義熙十四年譯成六十卷唐證聖元年于闐沙門喜學再譯舊文兼補諸闕通舊摠四萬五千頌

成八十卷三十九品合論者唐李通玄所撰通玄太原人宗室子也當武后時隱居不仕舊學佛者皆曰佛說此經時居七處九會獨通玄以爲十處十會云

華嚴經清涼疏一百五十卷

右唐僧澄觀撰澄觀居清涼山號清涼國師即韓愈贈之詩者文元公有言曰明法身之体者莫辯於楞嚴明法身之用者莫辯於華嚴學佛者以爲不刊之論

華嚴經略一卷

右唐僧澄觀撰澄觀既疏華嚴又撮其大意爲此九

四十二章

華嚴起信文一卷

右唐僧善攷撰善攷潭州太平寺僧也每品一章撮其大指凡三十九章

華嚴百門義海兩卷

右唐僧法藏撰法藏長安崇福寺僧也分十章

華嚴奧旨一卷

右唐僧法藏撰文曰妄盡還源觀凡六門

法界披雲集一卷

右皇朝僧道暹述杜順纂華嚴經義撰法界觀道通

又分十玄門

華嚴吞海集一卷

右皇朝僧道通述華嚴經七處九會三十九品五萬四千偈其文浩博澄觀爲之疏尤難觀覽道通約之成萬三千言以便初學

法華言句二十卷

右唐僧智顛撰智顛居天台山號天台教五代兵亂其書亡錢俶聞高麗有本厚賂因賈人求得之至今盛行於江浙

禪宗金剛經解一卷

右皇朝安保衡採撫禪宗自達磨而下發明是經者  
參釋之序稱其有言涉修證者北宗法門也舉心即  
佛者江西法門也無法無物本來如是者曹溪法門  
也

靖國續燈錄三十卷

右皇朝僧惟白編惟白靖康初住法雲寺駙馬都尉  
張敦禮以其書上于朝徽宗爲之序分正宗對機拈  
古頌古偈頌五門

古塔主語錄三卷

右皇朝僧道古撰范文正喜之嘗親爲疏請闡法有

句云道行無玷孤風絕攀時以爲非溢美也

碧巖集十卷

右皇朝僧克勤解雪竇頌古名曰碧巖集

觀心論一卷

右魏菩提達磨撰

百法論一卷

右唐僧玄奘譯西域僧天親所造所謂一切法者其  
略有語一心法二心所有法三色法四心不相應行  
法五無爲法心法八種心所有法五十一種色法十  
一種心不相應行法二十四種無爲法六種故曰百

法

起信論一卷

右唐僧宗密注僧真諦譯天竺第十二祖馬鳴大士所造也雖云名相蓋明心宗指義玄微文辭明緻故盛行于世若肇論百法唯識及此學者皆顯門名家故藏中所收亦錄于此

辨正論八卷

右唐釋法琳撰潁川陳良序云法琳姓陳關中人著此書窮釋老之教源極品藻之名理宣和中以其斥老子語焚毀其第二第四第五第六第八九五卷序

文亦有剪弃者

破邪論二卷

右唐釋法琳撰辨傳奕所排毀虞世南爲之序

甄正論三卷

右唐釋法琳撰已上三書皆經宣和焚毀藏中多闕故錄之

輔教編五卷

右皇朝僧契嵩撰藤州人皇祐間以世儒多詆釋氏之道因著此書廣引經籍以證三家一致輔相其教云



玄聖蘧廬二卷

右唐李繁撰繁學於江西僧道一敬宗時嘗與丁公著陸巨入殿中抗佛老講論唐虞愈稱其家多書一覽終身不忘大和中舒元輿誣其濫殺不辜繫獄知且死著書十六篇以明禪理自謂臨死生而不懼賢於顏回在陋巷不改其樂嗚呼可謂賢矣而史載其平生行事甚醜獨何歟

廣弘明集三十卷

右唐僧釋道宣撰道宣麟德初居西明寺以中原自周魏以來重老輕佛因採輯自古文章下逮齊隋發

明其道者以廣僧祐之書分歸正辨惑佛德法義僧  
行慈惻誠功啓福滅罪統歸等十門

別集類

楊雄集三卷

右漢楊雄子雲也古無雄集皇朝譚愈好雄文患其  
散在諸篇籍離而不屬因綴輯之得四十餘篇

陰鏗集一卷

右陳陰鏗字子堅幼聰慧五歲能誦詩賦日千言及  
長博涉史傳尤善五言詩徐陵言之於世祖使賦安  
樂宮援筆立成累遷散騎常侍有集三卷隋志已亡

其二今所存者十數詩而已杜少陵嘗贈李太白詩  
首云李侯有佳句徃徃似陰鏗今觀斯集白蓋過之  
遠矣甫之慎許可乃如此

吳筠宗元先生集十卷

右唐吳筠撰前有權德輿序筠字貞節華陰人生十  
五年隱於南陽天寶初召至京師請爲道士居崧山  
已而勅待詔翰林筠知祿山將亂求還茅山許之乃  
東遊會稽徃來天台剡中與李白孔巢父酬倡大曆  
中卒弟子謚爲宗元先生筠通經義美文辭性高髡  
其待詔翰林也特承恩顧高力士素奉佛嘗短筠於

帝故筠所著文賦深詆釋氏頗爲通人所譏云

陳黯文集三卷

右唐陳黯撰黯字希孺潁川人十歲能詩十三袖文  
謁清源牧牧面令賦詩頗稱賞之由是一時聲名大  
振會昌初就鄉薦至禮部輒罷歸咸通中卒有羅隱  
黃滔序

令狐楚表奏十卷

右唐令狐楚字殼士撰楚相憲宗爲文善於牋奏自  
爲序云登科後爲桂并四府從事掌牋奏者十三年  
始遷御史綴其藁得一百九十三篇自號白雲孺子

胡笳十八拍一卷

右唐劉商撰漢蔡邕女琰爲胡騎所掠因胡人吹蘆葉以爲歌遂翻爲琴曲其辭古淡商因擬之叙琰事盛行一時商彭城人擢進士第歷臺省爲郎好道術隱義興胡父渚世傳其仙去

鼎國詩三卷

右後唐李雄撰雄洛鞏人莊宗同光甲申歲遊金陵成都鄴下各爲咏古詩三十章以三國鼎峙故曰鼎國

孫晟文集三卷

右南唐孫晟字鳳密州人好學有文辭尤長於詩少爲道士常畫賈島像置于屋壁晨夕事之後乃儒服謁唐莊宗于鎮州莊宗以爲著作佐郎天成中奔于吳李昇父子用之爲相周世宗征淮景懼遣晟奉表求和世宗召問江南事不對殺之景聞贈魯國公

吳越掌記集一卷

右唐羅隱掌錢鏐記室所著表啓也

神宗皇帝御集二百卷

右本朝神宗皇帝撰章惇等纂紹聖初以元祐中所集止九百四十三道有旨命惇再加編次至元符中

書成比元祐所編增多八千七百三十道分文辭政  
事邊機三門言者仍以元祐之臣託以邊機不宜洩  
露掩沒先帝盛美於是徧以賜群臣云

范魯公集三十卷

右皇朝范質字文素大名人後唐長興中舉進士時  
和凝典貢舉覽質程文器之自以登第名在十三即  
以其數處質舉子謂之傳衣鉢晉天福中爲翰林學  
士周廣順初拜相太祖受禪加兼侍中乾德二年始  
罷爲太子太傅卒年五十四將終戒其子旻勿請謚  
勿刻墓碑質力學強記好聚書旣登朝猶手不釋卷

國史載其示從子詩家書自序薦呂餘慶趙普表三篇

張師黯集五十卷

右皇朝張洎字師黯滁州人仕李煜知制誥中書舍人歸朝爲史館修撰翰林學士淳化中叅知政事至道二年卒洎風神灑落文辭清麗通釋氏學然性險詖而諂附集有吳淑序其子安順所編咸平五年上之

晁文元道院集要三卷

右皇朝王古編其序云文元晁公得觀內書不徒力



行復勤於撰述以開導後學其書曰道院別集曰自  
擇增修百法曰法藏碎金曰隨因記述曰耄智餘書  
余嘗徧閱之以謂名理之妙雖白樂天不迨也輒刪  
去重複總集精粹以便觀覽云古元祐中侍從

田表聖咸平集五十卷

右皇朝田錫字表聖其先京兆人唐末徙于蜀國初  
與胡旦何士宗齊名中興國三年進士第歷相臺祠  
廬淮陽海陵四郡守知制誥終於諫議大夫范仲淹  
司馬光讀其書皆稱直諒蘇軾亦以比賈誼云

李仲方集二十卷

右皇朝李維字仲方，雍熙二年進士，景德中知制誥，遷中書舍人，爲翰林學士，承旨年七十一，維以文學進，至老手不釋卷，能詩嗜酒，嘗謂人曰：人生詩酒足，則尚何營哉。

民士編二十九卷

右皇朝陳充，撰充，成都人，雍熙中擢甲科，仕至刑部郎中，知祥符六年貢舉，卒年七十，詞學典瞻，性曠達，善談譎，澹於榮利，自號中庸子，民士云者，蓋其未仕已仕前後所著文也，嘗以唐牛僧孺善惡無餘論爲害教著書，反之國史稱焉，今集載其論兩篇。

張晦之集二十卷

右皇朝張景字晦之少師事柳開爲古文名震一時  
卒官至廷評年四十九集有文百九十三首禹偁所  
編并爲之序

姚鉉文集二十卷

右皇朝姚鉉字寶臣廬州合肥人中進士甲科文辭  
敏麗淳化中直史館應制賦賞花釣魚詩特被嘉賞  
翌日命中使就第賜白金褒獎之累遷兩浙轉運使  
鉉雋爽尚氣薛映知杭州與之不協中以危法除其  
名卒年五十三

緹巾集二十卷

右皇朝宋庠字公序開封雍丘人天聖中擢進士第  
一入翰林為學士皇祐元年拜相嘉祐中復為樞密  
使封莒國公以司空致仕初名郊字伯庠御史言其  
姓符國號名應郊天乃改今名遺命子孫不得以其  
文集流傳

韓持國詩三卷

右皇朝韓維字持國億之子也元豐中入翰林為學  
士遷承旨哲宗初載拜門下侍郎與其兄子華玉汝  
俱位宰相持國最能詩世傳其醖醖絕句它多稱是

范子功集五十卷

右皇朝范百祿字子功鎮之姪也終於中書侍郎

晁氏具次集三卷

右先君子詩集也呂本中以爲江西宗派曾慥亦稱  
公早受知陳無已從兄以道嘗謂公宗族中最才華  
喻汝礪序其詩云嘗從叔用商近朝人物嘉言善  
行朝章國典禮文損益靡不貫洽由叔用之學而達  
諸廊廟温厚足以代言淵博足以顧問則以詩鳴者  
是宣叔用之志也哉雖然叔用旣已油然棲志於林  
澗曠遠之中遇事寫物形於興屬淵雅踈亮未嘗爲

悽然危憤之音子於是見叔用於消長用舍之際未嘗不安而樂之者也嗟乎所謂含章內奧而深於道者非耶秦漢以來士有抱竒懷能留落不遇往往操心汗筆有然誹沈抑之思氣候急刻不能閑遠古之詞人皆是也所以徃徃無所建立於天下唯深於道者遺於世而不怨發於詞而不怒君子是以知其必能有爲於世者也嗟乎吾於叔用豈直以詩人命之哉

岷山百境集二卷

右皇朝王寀字道輔少有能詩名世謂其詩初若不

經意然遺辭屬意清麗絕人自號南陔居士宣中以狂譎被譖伏誅

楊天隱詩十卷

右皇朝楊恬字天隱潼川人

許表民詩十卷

右皇朝許彥國字表民青社人周邦彥稱其寬平優游中極物情惜乎留落不偶故世人知之或寡也

滿民昌邑集二十卷

右皇朝滿中行字思復登進士第元豐中爲太學官虞蕃獄起思復獨不結更議詔褒之

元氏集三卷

右皇朝元絳字厚之杭州人鑠廳中進士第爲翰林學士參知政事絳立朝無特操晚入翰林諂事王安石及其子弟時論鄙之工文辭爲流輩所推許卒年七十六謚章簡

馮允南集十卷

右皇朝馮山字允南普州人鄧綰爲中丞薦爲臺官允南力辭不就士論稱之

希白詩三卷

右皇朝僧希白撰張逸序之云希白能詩與宋白梁



周翰張詠而下十數公相友善其格律不減齊已云  
邵氏集二十卷

右皇朝邵溥字澤民進士第靖康初爲戶部侍郎上  
踐祚以例貶官紹興中復待制宣撫川陝師事崇福  
十二父詩文早有能聲

總集類

雜文章一卷

右孫巨源得之於秘閣載宋玉等賦頌五十八篇景  
迂生元豐甲子以李公擇本校正後有劉大經田爲  
王雲李端唐君益諸公跋題

唐賦二十卷

右唐科舉之文也蕭穎士裴度白居易薛逢陸龜蒙之作皆在焉

東漢文類三十卷

右五代竇儼編

唐文類三十卷

右皇朝陶叔獻編

唐漢策要十卷

右皇朝陶叔獻編

綸言集一百卷

右或編國朝制冊詔誥成此書以其皆王言也故以爲名

高麗詩三卷

右元豐中高麗遣崔思齊李子威高琥康壽平李穗入貢上元宴之於東闕之下神宗製詩賜館伴畢仲行仲行與五人者及兩府皆和進其後使人金梯朴寅亮裴李絳孫盧柳金花珍等塗中酬唱七十餘篇自編之爲西上雜詠絳孫爲之序

太平盛典二十三卷

右或編政和間制誥表章多有可觀者

文說類

金針詩格三卷

右唐白居易撰居易自謂與劉禹錫元稹皆以詩知名撮詩之體要為一格病得針而愈詩亦猶是也故曰金針集

續金針詩格一卷

右皇朝梅堯臣聖俞撰聖俞遊廬山宿西林與僧希白談詩因廣樂天所述云

杜詩刊誤一卷

右皇朝王仲至撰

韓柳文章譜二卷

右皇朝黃大輿撰大輿之意以爲文章有莊老之異故取韓愈柳宗元文章爲二譜其一取其詩文中官次年月可攷者次第先後著其初晚之異也其一悉取其詩文比叙之其一列當時君相於上以見二人之出處極爲詳悉

天厨禁鬻三卷

右皇朝釋惠洪撰論諸家詩格

三十三種已見附志今不重刊開書目如后

石經周易十卷周易指略例一卷

石經尚書十三卷

石經毛詩二十卷

石經周禮十二卷

石經禮記二十卷

石經左氏傳三十卷

石經公羊傳十二卷

石經穀梁傳十二卷

春秋穀梁疏十二卷

石經論語十卷

石經孟子十四卷

韓李論語筆解十卷

疑孟一卷

仁宗政要四十卷

神宗聖訓二十卷

東漢刊誤一卷

長安志十卷

列女傳八卷續一卷

百將傳十卷

三朝國朝會要一百五十卷

贅隅子十卷

鬻子十卷

御注老子二卷

列子釋文二卷

孔叢子七卷

劉子三卷

御製聖濟經十卷

度人經三卷

四十二章經一卷

神仙可學論一卷

蔡邕獨斷二卷



花藥夫人詩一卷

華陽集一百卷

二種互見

平泉草木記一卷已載李衛公集中

牡丹記一卷已載歐陽公集中

一種刪去

百中經三卷

昭德先生讀書後志第一卷

二本四卷考異

三種書同而名異

袁本毗陵易傳十一卷 衢本作東坡易傳

袁本芸閣先生易解一卷 衢本作呂氏章句易

袁本陳叔易詩一卷 衢本作澗上文入詩

二十一種所載入類不同

晁以道易玄星紀譜一卷

左氏綱領四卷

左氏蒙求三卷

押韻一卷

漁樵問對一卷

程氏雜說一卷

儒言一卷

信聞記一卷

以上袁本經類  
衢本子類

古樂府十卷

樂府古題要解十卷

玉臺新詠十卷

玉臺後集十卷

以上袁本經類  
衢本集類

松牕錄一卷

太和辨謗略三卷

以上袁本史類  
衢本集類

神仙傳十卷

王氏神仙傳四卷

高僧傳二卷

求法高僧傳十卷

僧寶傳三十二卷

以上袁本子類  
衢本史類

馭臣鑒古二十卷

汲古論一卷

以上袁本集類 衢本子類

二十九種袁本所載 衢本所遺

六家經要四卷

淳化法帖十卷

武陵法帖二十二卷

王曾筆錄一卷

英宗朝諸臣列傳三卷

本朝事實三十卷

青唐錄二卷

忠臣逆臣傳三卷

藝文志見闕書目一卷

酒經三卷

晉公談錄一卷

該聞錄十卷

漫叟見聞錄一卷

劉辣小說五卷

左氏要類

職林二十卷

骨鯁集二十卷

蘇沈良方十五卷

維摩詰所說經三卷

六祖壇經二卷

脩己金剛經旨要一卷

錦囊集一卷

貞半千三蓮集二十卷

余氏至言十八卷

藏寂軒文集

趙延持盈要論

聖紹堯章集十卷



藝圃折衷六卷

政和文選二十卷

二本四卷考異

昭德晁公侍郎僑居蜀  
嘉定之歲眉平生著書  
有易詩書春秋解考其  
異同甚詳又作讀書志  
皆鐫版大父及嚴君  
喜藏書在嘉定時嘗摹  
而藏之及南來不能悉  
與俱今併他所藏燬矣

讀善未偶，祗篋中鈞，謹  
刻，置信。安郡齋，不推使  
晁氏平生之功，得不泯。  
沒而觀者，按其目而訪  
求之，庶亦可使古善之  
不泯。公淳祐己酉夏五  
郡守南充游，鈞善。

昭惠先生三祭郡齋讀書  
志四卷既刊傳矣趙希弁君  
錫能從郡負外司馬帑轄  
蔡廡父得三衢本參校為  
後志二卷以補其缺蓋晁氏  
舊藏之書也合南陽所畀與  
夫君錫附志為七卷今書之  
傳于世者固已十之六七然家

陋而未見宜尚多焉後之君  
子增益之淳祐庚戌小至二  
日番陽黎安朝謹識

此爲宋淳祐袁州刊本故宮博物院圖書館所藏蓋沈埋者六百餘年矣按晁志今行世者有衢本袁本之別公武原志旣刊於蜀其後蜀中別行姚應績編二十卷本有所增益淳祐己酉南充游鈞傳刻姚本於信安郡是爲衢本番陽黎安朝於原志四卷之後錄趙希弁藏書爲附志錄衢本姚氏所增爲後志增訂考異後一年庚戌合刊於宜春郡是爲袁本卽此刻也康熙末葉海寧陳師曾得舊鈔袁本刊傳之晁志始行于今世四庫據以著錄其書久佚無徵館臣莫能論定提要泥於馬氏經籍考反覆未得其說則以誤目陳刻錯簡爲殘闕未省馬氏所採爲蜀本也迨嘉慶間瞿中溶得不全舊鈔衢本汪閔源刻家塾舊鈔衢本一時矜爲祕笈瞿氏撰衢本攷辯一文倡爲兩本優劣之論錢大昕十駕齋養新錄阮元進書錄錢泰吉曝書雜記各有載筆乃至近人王先謙莫不推波助瀾附和瞿說或病袁志子部脫佚五類而疑後志非趙氏原書或誇衢本收書多幾及倍而目袁志四卷爲不全初稿或誤馬考舍袁取衢引爲兩本優劣之

判嘗屬余友姜子佐禹卽衆說以稽求往往不合事實蓋皆提要嚮本不可復見袁本亦非盡舊文之語有以誤之百年樸學之品題舉世盲從而不知衡本顯而袁本晦是非之倒置久矣今按宋槧袁本卷三第十五葉起至三十四葉止至幕府燕聞錄卽爲陳刻見於後志釋書類輔教編前後玄錯入之書陳氏失於校訂館臣未能舉正原書固門類悉合未嘗殘闕也衡本二十卷收書千四百六十一部正今珩並同袁本卷一至四凡千三十三部摘自衡本之後志又四百三十五部合兩志以併計陳刻雖有錯簡兩志總數亦與宋本合袁衢相抵袁多於衢者且七更未嘗有衢本多幾及倍之事也公武四卷之書宋史藝文志王應麟玉海並見著錄所志皆南陽井氏書袁本杜序有曰先生校井氏書爲讀書志四卷黎序亦曰昭德先生讀書志四卷蓋所錄南陽井氏藏書也公武序原文亦自言故家多書兵火之後尺素不存但謂南陽井公所託不云晁氏有舊藏也姚氏所編削杜序而竄自序改南陽井公爲南陽公故直齋著錄是書有南陽公未知何人或云



井度憲孟也之語觀趙希弁後志序知姚編序且僞託其書真贋難定是希弁當日所不敢信彼二十卷爲公武續筆者今數百年後反可疑此四卷爲不全初稿乎馬氏經籍攷讀書志條全錄直齋書錄原文未有未詳二字未詳云者未詳南陽公之果爲井度否也竊謂馬氏所見者非袁本抑亦非衢本而爲蜀本何以言之袁本杜晁黎三序均著井氏字馬氏果見何云未詳提要稱袁本所有衢本所遺如晉公談錄六祖壇經之類經籍考實並引晁說謂爲馬氏兼采袁本余按衢遺二十九種經籍考引晁說者惟此二書是二書者袁本兩見晉公談錄雜史類作三卷小說類作一卷六祖壇經一作三卷惠昕撰一作二卷慧能撰志文亦各異其說衢所遺者皆其第二種經籍攷所引晁說乃衢本未遺之第一種館臣鈎覈偶疏並非兼採袁本也簿錄重目不重文袁本趙氏附志豈果無書可采謂志文袁略於衢馬氏并趙志而棄之有是理乎是皆馬氏未見袁本之顯證此前人衢袁優劣陳馬取舍之說之不足信也陳馬蓋世收藏插架

必重舊本衢本源出於蜀所撫甯非蜀本以時代考之厲鶚宋詩紀事載直齋端平中已守郡嘉興淳祐己庚兩刻出板已當陳氏晚歲未必据新刻而始著於錄也馬氏悉本陳說益可證所撫之無與於衢袁也抑余更有進者附志不登馬考其書久佚可知陳刻出而始傳當時豈非瓌寶前人謂衢書多於袁實則此附志諸書凡四百六

衢本已見三十三種直齋書錄略有並見外皆佚目也皆袁多於衢黃蕘翁序汪刻衢本不及

袁本褒貶最為有識顧千里跋衢本攷辨譏汪本小學類中有不可通者當畫分六段其更定次序與此本前後志合者殆十有七八陸

心源儀顧堂集衢本郡齋讀書志第三跋舉汪本誤改楊補之為晁補之斥其不如不刻然則袁本舛駁棼亂之名且可移贈衢本矣汪刻

衢本數校之編板傳於世者究不知孰為定本芬樽蓄有李蘇註筆初出傳校之編板傳於世者究不知孰為定本函芬樽蓄有李蘇註筆本書是世可放此又詳論袁本志分目別存并書四卷之舊前有杜兩

舊附趙氏三世所藏詳見卷首黎安而不沒姚氏增收之實希并志序仍收衢本自序二十卷類目於卷首所以明後志所從出著自序之

志跋所以見兩本得失之所在前後傳刊之源也世行陳刻一舊因於三跋序跋往往裝綴失次讀者莫明其端此亦袁本致謬之一舊因撰錄傳刻源流并非衢本所及私竊以爲袁本出而衢本可廢矣古書之可貴從未有不貴其最初之原本而反貴其後人改編之本者余夙爲袁本懷不平今獲見宋刻更足正陳本錯簡之訛因綴一言以就正於世之嗜讀是書者民國紀元二十年元旦海鹽張元濟